

390

Daxea, testament

Au nom de dieu soit sçaichent tous p(rese)ns
et advenir que l **an mil six cens trente huit** et le
penultiesme jour du mois de **may** regnant n(ot)re
souverain et tres chretien prince louis tresiesme par
la grace de dieu roy de france et de navarre
pardevant moy notaire roial soubs(sig)ne et()p(rese)ns
les tesmoings bas nommes apres midy a villemur
dans la maison du testateur cy appres nomme au
diocese bas montauban et()seneschaucee de th(ou)l(ous)e
a este en personne **andre daxea marchand**
lequel estant dans ung lict a la salle de lad(ite)
ma(is)on dettenu depuis quelques jours a cause
d une maladie que luy est survenue toutesfois
par la grace de dieu en ses bons sans jugement
memoire et cognoissance bien voyant oiant et()parlant
comme a appareu a moy d(it) not(air)e et tesmoings pour
estre d autant mieulx dispose lors qu()il plaira a
dieu le vouloir retirer de ce monde po(u)r l appeller a soy
d'ont l()heure est incertaine a toutes creatures de
son bon gré et()franche volonté non seduit induit
ny suborne de personne a faict et ordonne son
testament et der(nier)e disp(ositi)on nuncupatifve de ses biens
en la forme suivante premierement led(it) daxea

.....

testateur a de bon coeur invoque le nom de dieu
suppliant luy vouloir remettre ses peches au nom [et par]
le meritte de la mort et()passion de son filz jesus
christ n(ot)re sauveur et redempteur et recevoir son ame
en son paradis celeste ./ . voulant qu incontinant ap[res]
son deces son corps soit ensevely au cimetiére s(ain)t j[ean]
dud(it) villemur selon l ordre de la religion resform[ée]
de laquelle il faict profession a declaire
led(it) testateur qu()il constitua de dot a **magdel[aine]**
sa fille femme de pierre bernadon en leur **co[ntrat]**
de mariage receu par m(aîtr)e jean bascoul no(tai)re [de]
ceste ville la somme de cinq cens livres laq[uelle]
somme il a paiee comme a dit apparoir des q[uitances]
receues par led(it) bascou loutre laquelle const[itution]
led(it) testateur donne et legue a lad(ite) magdelaine da[xea]
sa fille la somme de cent cinquante livres
paiable par son hoire bas nommee dans trois [ans]
appres le deces dud(it) testateur et encore luy le[gue]
tous les grains que cé trouveront luy estre deubs

par les hoirs de **feu jean ormiere jean riviere** [...]
mongaillard et merles ses mettaiers po(ur) les pouv[oir]
rettirer quand et comme bon luy semblera comme aus[si]
est legue par led(it) testateur a lad(ite) madgelaine dax[ea]
la moitié des droictz qu()il a sur les biens de **feu** [...]
fecot de montauban son beau fre(re) comme ayant i[celluy]
testateur recully l hereditté de **feu rachel daxea** [...]
soeur femme dud(it) fecot laquelle moitié de d[roits]

391

lad(ite) magdelaine daxea retirera et en pourra poursuivre
la restitu(ti)on a ses coutz et despans sans que sa soeur
et heretiere bas nommee soit tenue la desdomager du prin(cip)al
ny despens ny pareillemant ne sera de rien tenue
po(ur) le leguat des grains comme estant le tout baille
a perilz et()fortunes a lad(ite) leguataire et au moien de
cé led(it) daxea veult que lad(ite) magdelaine sa fille ne
puisse rien plus demander sur ses biens po(ur) cause ny
preteste que cé soit et en tous et ch(ac)uns les biens
noms droictz voix et actions que competent aud(it) daxea
testateur icelluy a nommee et instituee de sa bouche
po(ur) son hoire universelle et generale **ysabeau
daxea sa fille legitime et de feu anne rujol** po(ur)
de sesd(its) biens et entiere hereditte incontinant apres
le deces du testateur en jouir et()pouvoir faire
cé que bon luy semblera et a(i)nsi led(it) daxea a
ordonne son testament lequel veult q(ue) vaille par
la meilleure forme q(ue) de droit pourra valloir
auquel effect il a annulles to(us) les testamans et
disp(ositi)ons precedentes sy s en treuvoit et a pries
les tesmoins appellees a sa requi(siti)on et()par luy
reconnus de ceste sienne volonte rendre tesmonige
et a moy no(tai)re m()a requis luy en rettenir instrument
cé qu ay faict ez p(rese)nces de m(aîtr)e michel vaissier docteur
et advocat anthoine gay jean arnaud bourgeois au(tr)e
michel vaissier mar(chan)t jean gontaud aussi marchand
estienne darcis c(h)irurgien et ysaac auriol

de villemur habitans signes ledict daxea
testateur a dict ne scavoir et moy no(tai)re requis ./

Vaissier, p(rése)nt Gay, p(rése)nt Arnaud
Gontaud, p(rése)nt Darcy, presant
Denupces Vaissier Y. Auriol
Esteverin, not(aire)